

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Хервеговина
Федерација Босне и Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 13. Odluke o izvršavanju Budžeta Općine Centar Sarajevo za 2025. godinu (Službene novine Kantona Sarajevo, broj: 06/25 i 10/25), Odluke o pokretanju postupka raspisivanja i provođenje Javnog poziva broj: 13-11-3742/25 od 30.5.2025. godine, a u vezi sa tačkom 5. Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH, broj: 37/24) Općinski načelnik upućuje

JAVNI POZIV za predlaganje programa i realizaciju projekta „Festival u Centru“

I PREDMET I CILJ PROGRAMA

Predmet javnog poziva je dodjela budžetskih sredstva za realizaciju Projekta „Festival u Centru“ (u daljem tekstu: Festival) iz budžeta Općine Centar Sarajevo (u daljem tekstu: Općina).

Festival je osmišljen kao niz društveno – kreativnih zabavnih događaja za masovnije okupljanje građana i posjetioca Općine s ciljem unapređenja kulturnih i turističkih sadržaja na području Općine. Također, cilj Javnog poziva je osigurati transparentnu, efikasnu i pravednu raspodjelu budžetskih sredstava kao i osigurati adekvatnu i sistemsku podršku Festivalu iz budžeta Općine.

Sredstva za ovu namjenu planirana su u Budžetu Općine za 2025. godinu na sljedećoj poziciji:

- 614121-17 Transfer za realizaciju projekta Festival u Centru, **75.000,00 KM**

Sredstva bit će dodijeljena organizaciji civilnog društva – udruženju građana za kreiranje te realizaciju plana i programa Festivala u skladu sa aktivnostima iz tačke II.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II OKVIR PROGRAMA

Realizacija Festivala **je planirana kontinuirano u periodu od 15.08. do 22.08.2025. godine** sa satnicom u **vremenskom intervalu od 18.00h do 24.00 h** na lokacijama **ulica Radićeva i Franca Lehara, kao i objektima u vlasništvu Općine.**

Festivalski program treba sadržavati minimalno po aktivnost iz slijedećih oblasti:

- a) Filmska umjetnost (prikazivanje filma i slično..)
- b) Pozorišna umjetnost (teatarska predstava ili umjetnički performans i slično..)
- c) Muzički programi za mlade (nastup dj-a ili koncert benda ili umjetnika po trending listi slušanja mladih osoba i slično..)
- d) Muzički program za sve generacije ili 65+ - (umjetnički performans ili koncert sevdalinke ili filharmonije ili koncert benda ili umjetnika u skladu sa očekivanjima za sve generacije i slično..)
- e) Sportske radionice, sportski performansi i promocije zdravog života
- f) Književne večeri i promocije knjiga
- g) Plesne večeri
- h) Likovna umjetnost i druge kreativne radionice (radionice slikanja ili ulični performansi, grafiti i slično..)
- i) Promocija programa Općine kroz organizaciju druženja sa Općinskim načelnikom, Općinskim vijećem, poznatim ličnostima i mladima u skladu sa opisom Festivala
- j) Promocija lokalne politike prema mladima i programa „Općine za mlade“;
- k) Ostali sadržaji po prijedlogu realizatora Festivala;
- l) Programi međunarodnog karaktera.

U realizaciju gore navedenih aktivnosti udruženja trebaju biti uključene JU „Centar kulture i mladih“ Općine Centar Sarajevo i JU „Centar za sport i rekreaciju“ Općine Centar Sarajevo usklađene sa planom i programom Ustanova, te Centrima za zdravo starenje Općine Centar i ostalim partnerima Općine.

III

PRAVO NA DODJELU SREDSTAVA MOŽE OSTVARITI

Pravo na dodjelu sredstva može ostvariti udruženje građana koje ima iskustvo u realizaciji manifestacija u trajanju od najmanje deset (10) godina.

IV

PRIJAVA NA JAVNI POZIV

Prijava na javni poziv podnosi se na propisanom prijavnom obrascu koji je objavljen u prilogu ovog Javnog poziva na zvaničnoj web stranici Općine Centar Sarajevo. Podnosioci zahtjeva na Javni poziv obavezni su osim uredno popunjenog prijavnog obrasca dostaviti slijedeće dokumente (original ili ovjerene kopije):

1. Prijedlog slogana Festivala sa vizualnim prijedlogom identiteta Festivala za 2025. godinu ;
2. Prijedlog plana aktivnosti na planiranim lokacijama uključujući satnice realizacije aktivnosti te ciljnu skupinu iz člana I ovog Javnog poziva;
3. Prijedlog tehničkog rješenja, planom tehničke pripreme i tehničke realizacije Festivala;
4. Prijedlog izvođača sa rezervnom listom izvođača na osnovu prijedloga aktivnosti;
5. Plan najave i promocije Festivala – marketing kampanje;
6. Prijedlog budžeta za predloženi vremenski period realizacije usklađen sa tačkama od 1 do 5;
7. Planirani učinak u odnosu na ciljeve definisane u javnom pozivu;
8. Uvjerjenje o poreskoj registraciji – ID broj i Izvod iz upisa u registar;
9. Potvrda poslovne banke da račun nije blokiran iz koje se vidi broj transakcijskog računa – ne starija od tri mjeseca;
10. Dokaz o iskustvu u organizaciji i realizaciji manifestacija u skladu sa tačkom III ovog Javnog poziva.;
11. Dokaz o izmirenim poreznim obavezama iz nadležne porezne uprave sa datumom izdavanja koji nije stariji od 3 mjeseca od datuma objavljivanja Javnog poziva sa listom zaposlenih osoba;

12. Dokaz o izmirenim poreznim obavezama uprave za indirektno oporezivanje ukoliko je aplikant PDV obveznik uprave sa datumom izdavanja koji nije stariji od 3 mjeseca od datuma objavljivanja Javnog poziva;
13. Potvrda, sporazum, ugovor ili neki drugi dokaz o učešću regionalnih ili međunarodnih umjetnika ili saradnja sa drugim sličnim organizacijama na domaćem ili međunarodnom planu;
14. Saglasnost Ustanova, Centara za zdravo starenje i/ili ostalih partnera Općine iz tačke II.

V

KRITERIJI ZA IZBOR KANDIDATA I IZNOS SREDSTVA

Prilikom procjene predloženih programa vrednovat će se:

- a) društveni i kulturološki značaj predloženog programa
- b) procjena usklađenosti programa sa ciljevima utvrđenim u tekstu javnog poziva te način na koji će aplikant osigurati ostvarivanje ciljeva iz člana II. ovog Javnog poziva;
- c) dosadašnje iskustvo i rezultati u organiziranju kulturnih i umjetničkih manifestacija, produkciji u kreativnoj industriji, te rad u oblasti zaštite pokretnog i nepokretnog kulturnog naslijeđa, materijalne i nematerijalne kulturne baštine (broj osposobljenih stručnih osoba s potrebnim kvalifikacijama);
- d) broj korisnika predloženih aktivnosti, broj zaposlenik i broj angažovanih
- e) opravdanost i visina predviđenih materijalnih troškova, te učešće pojedinih vrsta izdataka u ukupnom budžetu programa;
- f) saradnja sa Ustanovama, Centarima za zdravo starenje i/ili ostalim partnerima Općine iz tačke II.
- g) saradnja sa programima međunarodnog karaktera

Za odobrene programe izdvojiti će se finansijska sredstva u sljedećem iznosu:

- Za udruženje građana koja provodi festivalske aktivnosti maksimalno 75.000,00 KM.

Općina zadržava pravo korekcije predloženih budžeta ili djelimičnog finansiranja predloženih aktivnosti (sufinansiranja). Od ukupno dodijeljenih sredstava aplikanti mogu iznos od 10 % raspodijeliti i utrošiti na plaće uposlenika i režijske troškove.

Udruženje građana može osigurati dodatna sredstva za realizaciju Festivala uz pribavljenu prethodnu saglasnost Općine.

VI

NAČIN DODJELE NOVČANIH SREDSTAVA

Pristigle zahtjeve će razmatrati Komisija za provođenje postupka odabira **projekta i realizaciju programa Festivala u Centru** (U daljem tekstu: Komisija za provođenje postupka), a koju imenuje općinski načelnik. Komisija za provođenje postupka dužna je donijeti Poslovnik o radu, načinu odabira programa i obrazloženje za prijedlog udruženje koji će realizovati Festival, nakon čega općinski načelnik objavljuje Odluku odabranog Udruženja.

Podnosioci zahtjeva mogu u roku od osam dana od dana objavljivanja Odluke podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja.

Nakon okončanog postupka prigovora Općinski načelnik donosi konačnu odluku, na osnovu koje se izrađuju Ugovori o raspodjeli sredstva. Na osnovu Ugovora nadležna služba za finansije vrši isplatu sredstava.

Svaki član komisije će biti isključen iz postupka dodjele ukoliko se utvrdi da je u sukobu

interesa u odnosu na podnosiocje prijave, a podnosioci prijave imaju mogućnost prijaviti sumnju na postojanje sukoba interesa o kojima će davalac budžetskih sredstava odlučivati pojedinačno po svakoj prijavi.

VII NAČIN PODNOŠENJA ZAHTJEVA I TRAJANJE JAVNOG POZIVA

Javni poziv se objavljuje na web stranici Općine i ostaje otvoren do 24.6.2025. godine.

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport putem protokola Općine ili putem pošte sa naznakom „Javni poziv za predlaganje programa i realizaciju projekta „Festival u Centru““.

Informativni sastanak (otvoreni dani) će se održati 16. 6. 2025. godine od 10:00 do 12:00 sati u prostorijama Općine Centar Sarajevo, ulica Mis Irbina 1, Sarajevo. Potencijalni aplikanti će tokom sastanka biti detaljnije upoznati sa pozivom, načinom prijavljivanja, kriterijima, itd.

Sve dodatne informacije o načinu i postupku prijave na Javni poziv mogu se dobiti putem maila: kultura@centar.ba ili na broj telefona: 033-562-360.

OPĆINSKI NAČELNIK

Srđan Mandić